

Eyn schöner Dialogus oder Gespräch
 so ein Prediger Mönch Bembus
 genant: vnd ein Burger Si-
 lenus: vnd sein Harz mit
 einander habent.



Ein K... ..
... ..
... ..
... ..
... ..



Bembus.

Bona dies weyßer herr. Silenus. Gnäd herr der eustor wie zeucht ewer wirtde so frue vmb. Bembus. Herr es wer vil darvon zu redenn/ vnnnd wurd weil brauchenn / darumb will ich euch fleißig bittenn mit aduertentz zu gebenn. Silenus. Herr jr wißt das ich euch vnnnd euwerem gotzhausß allweg bereit bin zu dienenn/ darumb redent was jr wolt/ kann ich euch dan et was darinn beholffen sein/ solt jr darfur haben/ das ich fleiß wurd ankeren als ob es mein eygne sacht wer. Bembus. Gnade weyßer herr/ ich weyß wol/ jr solt auch glaubenn das ich vnnnd meine brieder nichts guts thund/ euwer rail sey auch darbey. Nar. Fressents selbs was jr thund/ gebent meinem herzen nichts darvon. Bembus. Herr der narz hat etwas gesagt ich weyß nit was/ ich mocht leiden das er vor der stuben daussen wer/ ich forcht er werd mercken was wir handleten. Silenus. Ey er redet wider sich selbs also/ er verstat nichts/ seind nur an sorg. Bembus. Nun weyßer herr damit vnnnd jr verstantent warumb ich da sey/ so wißt in kurtz/ das mich mein wirtdig herren Prior vnnnd Subprior prediger/ zu euwer weißheit schicken/ rat vnnnd hilff bey euch zu suchenn/ dan es wil vns lay der neher gon dann sunst jemants. Nar. Was geb got/ ich fürcht aber nur es werd vnderstandenn. Silenus. Jr fürchten euch sunst als vbel/ es stat noch woll. Nar. Ja laider gott erbarmt/ ich hoff aber es werd schier besser werden. Bembus. Euwer weißheit weißt woll was yetz vor augenn ist. Aber herr darff ich reden was mit not ist. Silenus. Warumb nit/ weñ ich wistte daß jr das vertrawenn nit zu mir hettñ das ich schweigen kunde/ so must mich reuwen was ich euch ye geben hab/ jr wißt das ich euch offt vil geben hab/ vnnnd hab mein Schwester/ brieder/ vnnnd ander gesipt freund not lassenn leydenn. Nar. Das hat dich warlich das Euangely noch Paulus nit gelet/ darumb hab dir denn lon gib mir nichts darvon. Bembus. Herr wir wollenn yetzund nichts von denen dingen redenn/ wir wissen wol das wir euch vor jederman sollen vertrawen. Nun aber das ich es kurtze so merckt mir zu. Jr hort was der vngelert gurgelfritz Martin Luther zugericht hat mit seim anhang/ als der Kothe Rodamus/ ich wen er haiff Te denn laudamus/ es heissen in vnser brieder also. Nar. Hor einer den Sodomitischenn bubenn zu

sy nachnament die frummen leut/ vnd heysenn denn Luther ein
gugelfritzenn/ nemenn sie sich selbs bey der nasenn/ sie seind doch
selbs auch nit all glaß schon. Bembus. Item was auch der Bo
denstain/ vnd der von Nuttenn (der waißt doch vnsern gebaim
gar) vnd vill ander mer/ deren namen zu erzeleenn zu lang wer/ zu
gericht habenn/ mit dem so sy sich vnderstond mer vonn got zuhal
ten dan vom Papst. Item sy wellen das Euangely sey mer dan die
Doctores die darüber geschriben habent/ mit dem haben sie gemas
chet das mann auff vnsern Thomam vnd auff der Barfusser
Scotum nichts oder gar wenig haltenn wil/ so sie doch warlich hei
lig leter seind/ vnd wenn sy nit geschriben heten so/ kiind man das
Euangely vnd Paulum nit verston. Mar. Wenn liegenn ein or
den wer so wolt ich lengst abt seinn wordenn/ wenn ich schon noch
als narret wer/ aber ich muß mich nit mercken lassenn/ ich wil gur
spil hozenn. Bembus. Das hat vnser vater prediger woll bedacht/
vnd fast darwider geschrien vnd geprediger/ vnd das nit auß arge
nem kopff/ sonder er hat ann die bend genomen juncker Ecken/ denn
Empfer/ denn Murnar mit seim schachzabel/ vnd den fetzelumper
von Tiibingen/ der auch mer vom Tartaret helt dann vom Paulo.
Mar. Das geb jm gott die leiß inn die haut hinein/ ich main aber
mann hab jm das wapen vor ein mal fisiert. Silenus. Das seind
warlich gelert leut/ vnd besonder der zu Tiibingenn/ den jr den fe
zelumper nennent/ ich waen aber er heiß doctor Lemp/ ist mit an
ders recht. Bembus. Ja warlich er haist also/ das mirs gott ver
geb das ich in also genent hab/ ich hon sicher gemaint er haist der
fetzelumper. Nun aber weyser herz bedunckt vns es wol alles nichts
helffenn was des Luthers widersecher schreibenn/ sonder sein ding
wil ein furgang habenn/ das vns dann zu ain grossen schaden die
net/ vnd als ich hor so klagt sich der pfarret auch man wol nymer
als fast opfern als vor zeitenn/ nun het es kein not/ wir hetten den
nocht zu essen/ vnser alt vordern habenn wol gehanset/ habenn eben
vil zins vnd gult kaufft/ so habenn wir vil gestiffet sarrtag die tra
genn vns ein jar in das ander wol bis in die vierhundert guldinn/
auch so w. ssen die pawren auff dem land noch nit wie die sach stat/
da samlen wir auch ein ebare hab/ vnd wen wir nichts hetten dan
dasselbig so hetten dennoch vnser dreyssig ein herlich aufkomenz

nun aber die all yetz genant rent vñnd gilt habenn wir alle jar / on
das / das vns die andechtigenn brieder vñnd schwesterenn vnfers or
dens liebhaber vñnd ander gut freund schenckent vñnd teglich ge
bent / als jr woll-wissenn / wer vns jerlich auch nit umb einn kleins
fail / das selbig ist mer dann wir niemants sagenn dan euch allein /
das alles kann man vns nit nemen / nimpt mans vns schon ein iar /
so haben wir es das ander jar wider. Narz. Wolt got das souil Ju
den fur euch im kloster weren / sy wurden gemainer stat nit so sched
lich sein. Bembus. D herz darff ich außlassen / darff ich euch trawē
yetz gat es erst an das recht darumb ich zu euch bin kommen. Narz.
Vor zu sy hond gewiß ein schatz. Sil. Warumb wolten jr mir nit
trawen / es sol als verschwigen sein als sagten jrs den stainen. Bem.
D heyliger dominice / heiliger thoma gebent mir ein was ich reden
soll / damit ich jm nit zu vil noch zu wenig thu. Narz. Wen du den
schneider von Bern mit sein briedern antuffest die mochten dir wol
helffen / sy seind groß martter / die zwen seind nur beichtiger. Bem.
losent herz der narz sagt warlich vonn Bern. Silenus. Es ist euch
gleich als dem der die gaisß stal / der narz redt im schlaff. Bembus.
Nun wolan es muß gleich herauß. Jr habenn gehort das einkomen
das wir jerlich haben / vber das alles haben wir etlich tausent gul
din in ein grossen bayerischen hafenn in vnserm closter vergraben /
vñnd haben in jertz am vierden ort / wir furchten es habens die brieder
gemerckt / wañ es wissens nur vnser vier / die mochten vns vileicht
ein geschray ins volck pringenn / dieweil man vns yetz sunst nit hold
ist / daß mann vns das gelt alles nem / dan wir thund nit alwege dz
den gemainen briedern gefelt / wir essen offt in den stublein baß dan
sy im refent / vñnd billich als die vorgenger im closter. Narz. Ja
mir ist kein zweyfel jr essen offt forbenen vñnd hecht / so die for esel
kaum ein beting essen. Silenus. Was sol ich darzu thunn / kunden
jr in nit behalten. Bembus. wir forchten es geschech vns wie vor
auch briedern vnfers ordens geschebenn ist. Narz. Geschicht es nit
so ist es mir von bertzen layd. Bembus. Was man vns das gelt
nem vñnd laß vns den hafenn / das wer dennocht das mindest / wie
wolten bald anders gesammelt haben / wir werden aber den leuten in
hals kōmen / das man vns gar nichts mer witt geben. Narz. wen es
niemants wist dan ich so muß es euch dennocht schaden. ich v i

nit lenger schweigenn dann biß ich an markt kom/ so wil ichs nie-
mant sagen dan jederman/ es waists warlich der rechr. Bembus.
Ich wold euch von gemaines Conuents vnnnd gots willen bitten dz
jr so woll rheten vnnnd den hafenn mit dem gelt zu euwern handen
betten genomen/ vnd vns den selben behalten als ob er euwer wer/
biß der strudel hiniiber kem/ vnnnd vns allein euwer handgeschuffte
darumb geben/ das alles wolten wir vnnnd der gantz Conuent vmb
euch verdienen/ dann wir kunden nit rechnenn das wir das gelt er-
reten miigen noch kunden/ so wissen wir in der stat niemants dem
wir baß vertrauen dan allein euch. Silenus. Wirdiger herz es wil
mir nit zuston euwer gelt zu behaltē/ sonderlich dieweil es so vil ist/
es wer dan ein guldin oder hundert ongenarlich/ ich wil euch aber
ein guten rat geben/ jr habt ein ersamen Rat hie hinder den legent
es da ligt es sicherer dan hinder mir. Bembus. O herz schweigent
der red/ sagent nichts daruon/ es seind jr vil vns nit vast hold/ vnd
dennocht die die vornen daran sitzen. Mar. Was walt der teuffel jr
kundens wol verdienen. Silenus. jr mainent es sunst also/ es ist jr
keiner er gun euch alles gurs. Mar. Ja das fewt oder den galgenn.
Bembus. ich wils dennocht nit abschlahenn sy ginnenn vns gurs/
aber wir wollen vnser gelt nit hinder sy legen/ sonder hinder euch/
vnd wollen das nit vmb sunst begeren/ wir haben zway fesslin gurs
welschs weins da wollen wir euch eins schencken/ vnd ewer hauff-
frawen ein schonen streupenbeltz vnnnd solt er zehen guldin gestonn.
Silenus. Nun die weil jr mich so hoch ermanent so will ichs euch
dennocht zu dienst thun/ lond vns nur bedencken wie wirs herumb
wollen bringen. Mar. Es hat der Haydnisch poet Duidius noch nit
vnrecht gedichtet vnd gesprochen. Schenckung/ miet/ vnnnd gab er
weichen die gotter vnd menschen. Vnd der Virgilius. Du verfluch-
ter hunger des goldes was zwingst du doch die menschlich todliche
hertzen nit/ ist an meinem herzen wol schein/ als bald der gugel Fritz
vom wein vnnnd beltz saget do wart mein herz schon vberwunden/
aber ich wil lügen er muß mir ein roten rock ins maul schieben will
er das ich schweig vnd solt die gugel den ritten hon. Bembus. Wie
wollen wirs aber angreifen das das gelt herumb kom. Silenus.
Wie vil ist doch des gelts oder wie groß ist der hafenn. Bembus. Es
ist dennocht (da geredt im stublin) acht tausent guldin neher dann

Sibnenn. Mar. O du frummer Turck hettest du das gelt mit denn
münchen/das mirs got vorgeb sey es mir sund/ich halt warlich
mer auff den Turcken dan auff die münch/ich het schier gesagt bu-
ben/sollen sie so vil rent vnd gilt haben/vnd so vil guldin darzu/vñ
dennocht nymer ab den armen leuten kommen mit betlen pfeyl der
schand/sech einer zu wie sy den vogelhet beschlahent/wie ein vog-
ler der mit einem kantzten voglet/o wie groß gelt narren das seind/
weñ sie eins besingen so wischen sy in der ordnung herauß fur das
volck/vnnd hat ein yeder ein weisse binden allwegen am halß han-
gen/vnnd blapeten den da ob dem grab vmb ein pfund haller vnnd
nemen nit eins hallers minder/sol das den selen gen hymel helffen
das geb got/ich halt aber wenig darauff. Ich mainet wen sy die ar-
men leut nit also peinigten vnnd fressen das ir es wer wol besser.
Silenus. Ziecht hin haim vnd bringents weñ jr wellen. Bembus.
Herz vermeren mich nit bey leib. Marz. Herz Bembus schauwent
das jr mir ein roten rock bringent mit dem weine vnnd beltz oder
ich sag den gehaim.

Ich het schier gelacher.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



77 L 1001

ULB Halle


002 101 270


3



sb







15
13

Eyn schöner Dialogus oder Gespräch
so ein Prediger Mönch Bembus
genant: vnd ein Burger Si-
lenus: vnd sein Marz mit
einander habent.

